

JAVNO PREDUZEĆE „KOMUNALNO“ D.O.O. BREZA

ZAVNOBIH-A BR.6 71370 BREZA

Broj: 05-3407-11/25

Breza, 13.02.2026. godine.

Na osnovu člana 70. i 72. stav (3) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24) i člana 46. stav (1) tačka (k) Statuta JP „Komunalno“ d.o.o. Breza, broj: 1157-07-05-33-2./18 od 07.05.2018. godine, na Preporuku Komisije za javnu nabavku robe: „Nabavka HTZ opreme“ (broj: 05-3407-10/25 od 12.02.2026. godine) direktor preduzeća d o n o s i:

O D L U K U

o dodjeli Ugovora drugorangiranom ponuđaču za nabavku robe: „Nabavka HTZ opreme“

Član 1.

- (1) Prihvata se Preporuka Komisije za javne nabavke (broj: 05-3407-10/25 od 12.02.2026. godine) i Okvirni sporazum za javnu nabavku roba: „Nabavka HTZ opreme“ dodjeljuje se drugorangiranom ponuđaču "RM COMPANY" d.o.o. Zenica, ID broj: 4218507720005 sa sjedištem u ul. Gornjoženička 42, 72000 Zenica za ponuđenu cijenu od 9.993,30 KM bez PDV-a, odnosno 11.692,16 KM sa PDV-om u skladu sa ponudom Ponuđača (broj: 260109-625 od 09.01.2026. godine) i Izvještajem o toku i završetku e-aukcije (broj postupka: 2818-7-1-150/25 od 28.01.2026. godine).
- (2) Poništava se Odluka o izboru najpovoljnijeg ponuđača za javnu nabavku robe: „Nabavka HTZ opreme“ broj: 05-3407-7/25 od 30.01.2026. godine.

Član 2.

- (1) Prijedlog okvirnog sporazuma o nabavci dostavit će se na potpis izabranom ponuđaču u roku od 10 (deset) dana, računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti, u roku od 5 (pet) dana od dana prijema ove Odluke, originale ili ovjerene fotokopije dokumenata iz člana 45. Stav (1) tačke od a) do d) Zakona o javnim nabavkama, ne starije od 3 (tri) mjeseca računajući od momenta predaje ponude, u skladu sa tačkom 3.1 Tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje PJ "Održavanje i nabavka", PJ "Vodovod", PJ "Čistoća" i PJ "Direkcija" svako u okviru svoje nadležnosti.

Član 4.

Ova odluka objavit će se na web-stranici: <http://jpkbreza.com/> istovremeno s upućivanjem ponuđačima koji su učestvovali u postupku javne nabavke, u skladu s članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. Zakona o javnim nabavkama.

Obrazloženje:

Postupak javne nabavke pokrenut je Odlukom o pokretanju postupka javne nabavke broj: 05-3407/25 od 26.12.2025. godine.

Javna nabavka je provedena putem postupka Konkurentskog zahtjeva za dostavu ponuda, za procijenjenu vrijednost od 10.000,00 KM bez PDV-a. Obavještenje o nabavci broj: 2818-7-1-150-3-22/25 objavljeno je na Portalu javnih nabavki dana 31.12.2025. godine.

Nakon provedenog postupka e-Aukcije dana 28.01.2026. godine, Ugovorni organ je donio Odluku o izboru najpovoljnijeg ponuđača broj: 05-3407-7/25 od 30.01.2026. godine, kojom je kao najpovoljniji ponuđač izabran "INKOS" EXPORT-IMPORT d.o.o. Kakanj.

Međutim, dana 11.02.2026. godine u 10:20 sati, Ugovorni organ je putem e-maila zaprimio zvaničnu obavijest ponuđača "INKOS" d.o.o. Kakanj u kojoj se navodi da imenovani ponuđač, zbog ekonomsko-pravnih razloga, nije u mogućnosti potpisati i realizovati Okvirni sporazum koji mu je dostavljen na potpis.

Članom 72. stav (3) Zakona o javnim nabavkama („Službeni glasnik BiH“, br. 39/14, 59/22 i 50/24) propisano je da, ukoliko izabrani ponuđač odbije potpisati ugovor ili okvirni sporazum, ugovorni organ nudi potpisivanje istog sljedećem kvalifikovanom ponuđaču sa rang-liste.

Postupajući u skladu sa zakonskom odredbom, Komisija za javnu nabavku je na sastanku održanom 12.02.2026. godine u 09:00 sati konstatovala odustajanje prvorangiranog ponuđača, te je izvršila uvid u Konačnu rang-listu ponuđača.

Utvrđeno je da je drugorangirani ponuđač "RM COMPANY" D.O.O. ZENICA dostavio tehnički ispravnu i prihvatljivu ponudu sa konačnom cijenom od 9.993,30 KM bez PDV-a, što je u okviru procijenjene vrijednosti ove nabavke.

Cijeneći navedeno, a na osnovu Zapisnika i preporuke o dodjeli ugovora drugorangiranom ponuđaču broj: 05-3407-10/26 od 12.02.2026. godine, odlučeno je da se poništi prethodna odluka o izboru, te da se Okvirni sporazum dodijeli ponuđaču koji je sljedeći na rang-listi, a u skladu sa kriterijem „najniža cijena“.

Iz navedenih razloga, primjenom člana 64. stava (1) tačka (b) i člana 72. stava (3) Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke, u skladu sa članom 99. Zakona o javnim nabavkama („Službeni glasnik BiH“, broj: 39/14 , 59/22 i 50/24).

Obradila:

Neira Hasanspahić

DOSTAVLJENO:

- 1 x "INKOS" EXPORT-IMPORT DOO KAKANJ
- 1 x "RM COMPANY" D.O.O. ZENICA
- 1 x "A & A SENERGY" D.O.O. GORAŽDE
- 1 x Direktor JP "Komunalno" d.o.o. Breza
- 1 x PJ "Održavanje i nabavka"
- 1 x Direkcija
- 1 x Web stranica preduzeća
- 1 x a/a

Direktor:

ma. Ermin Likić dipl.ing.maš.

